



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iohannis Scheffleri S. R. Eccl. Presbyteri Concilium  
Tridentinum antè Tridentinum**

**Angelus <Silesius>**

**Nissæ, 1675**

Articulus Decimus Quartus. Esse Indulgentias.

**urn:nbn:de:hbz:466:1-42264**

*Articulus XIII.*

traditio Catholicæ Ecclesiæ, quæ  
à finibus usque ad fines Evange-  
lium suscepit.

*Et in fine actionis 4ta: Vene-  
rãdas Imagines veneramur. Nos  
veteri Ecclesiæ legislationi insi-  
stamus. Nos statuta Patrum cõ-  
servemus. Nos qui addunt aut  
aufferunt aliquid de Ecclesia, a-  
nathematizamus. Nos veneran-  
das imagines salutam9. Nos qui  
sic nolunt, anathemati subij-  
cimus.*

*Articulus Decimus Quartus.*

*Esse Indulgentias.*

*Verba Concilij.*

*Indulgentiarum etiam potesta-  
tem à Christo in Ecclesia relictam  
fuis-*



*Concilij Trid. antè Trident.*  
fuisse, illarumq; usum Christiano  
Populo maximè salutarem esse, af-  
firmo.

**C**LEMENS Romanus Constit: A-  
postol: lib. 2. c. 16. Cùm deli-  
quisse videris, iube eijci foras:  
Postea jubebis ingredi, & facta e-  
xaminatione, an pœniteat, sicque  
dignus qui in Ecclesiam ex toto  
admittatur: castiga illum jeju-  
nijs duarum, aut trium, aut quin-  
que, aut septem hebdomadarũ,  
ut delicti genus & ratio popo-  
scerit.

*Petrus Alexandrinus de Pœnit:*  
Canon: 1. de ijs, qui post multa tor-  
menta sacrificarunt: Qui non  
sponte ad ea devenerunt, sed à  
carnis imbecillitate proditi stig-  
mata J E S U Christi in corporib<sup>9</sup>  
ostentant, & anno jam tertio de-  
flent,



*Articulus XIV.*

flent, ijs ab adventu per revoca-  
tionem in memoriam alij qua-  
draginta dies inungantur. *Et Ca-*  
*non: 5.* Quoniam per ignoran-  
tiam id eos fecisse non est com-  
pertum, eis semestre imponetur  
in pœnitentia conversionis. Sic  
enim ipsi quoque magis juva-  
buntur.

*Concilium Nicanum Can: 11.* De  
ijs qui sine necessitate, vel sine  
facultatum suarum ablatione, vel  
sine periculo ullo, vel aliquo e-  
iusmodi, transgressi sunt, quod  
sub Licinij tyrannide factum est,  
Synodo visum est, etsi humani-  
tate indigni sunt, clementiã ta-  
men & benignitate eos uti. Qui-  
cunq; ergò germanè & verè pœ-  
nitentiã ducuntur, tres annos in-  
ter auditores exigent, ut fideles  
& se-



*Concilij Trid. antè Trident.*

& septem annis prosternentur,  
supplices: duobus autem annis  
absque oblatione erunt, oratio-  
num cum populo participes.

*Et Canon: 12.* Quicumque &  
metu & lacrymis & tolerantia &  
bonis operibus conversionem,  
& opere & habitu ostendunt, hi  
impleto auditionis tēpore quod  
præfinitum est, meritò orationū  
comunionem habebunt, cum  
eo, quid liceat etiam Episcopo  
humanius aliquid de ijs statue-  
re.

*Concilium Laodicense Canon. 2.*  
Oportet eos, qui in diversis delictis  
peccant, & in oratione con-  
fessionēque & pœnitentiā forti-  
ter perseverant, & se à malis per-  
fectè convertunt, tempore pœ-  
nitentiæ eis pro delicti proporti-  
one



*Articulus XIV.*

one dato, propter Dei miserationes & bonitatem, offerri communioni.

*Basilii Mag. Epist: ad Amphilo-  
loch Can. 59.* Fornicator septem  
annis non comunicabit, duobus  
deflens, & duobus audiens, & in  
uno solo consistens, octavo au-  
tem ad communionem admit-  
tetur.

*Tertullian: c. 6, de Pœnit.* Quàm  
porrò ineptum, quàm poeniten-  
tiam non adimplere & veniam  
delictorum sustinere? hoc est,  
precium non exhibere, ad mer-  
cem manum emittere. Hoc e-  
nim pretio Dominus veniam ad-  
dicere instituit. Hac poeniten-  
tiæ cōpensatione redimendam,  
proponit impunitatem.

*Cyprianus lib: 3. Epist. 8.* Legi-  
mus



*Concilij Trid: antè Tridene.*

mus litteras tuas Frater charissime, quibus significasti de Victore quodam Presbytero, quod ei antequam poenitentiam plenam egisset, & Domino DEO, in quem deliquerat, satisfecisset, temerè Therapius collega noster immaturo tempore & præpostera festinatione pacem dederit. Quæ res nos satis movit, recessum esse à decreti nostri autoritate, ut ante legitimum & plenū tempus satisfactionis, & sine petitu & conscientia plebis, nullā infirmitate urgente, ac necessitate cogente, pax ei concederetur. Sed libratō apud nos diu consilio, satis fuit objurgare Therapium, quod temerè hoc fecerit, & instruxisse, ne quid tale de cætero faciat.

*Idem lib. 3. Epist. 18. Petitiones &*



*Articulus XIV.*

nes & desideria vestra Episcopo  
fervent, & ad pacem vobis petē-  
tibus dandam, maturum & pa-  
catum tempus expectent.

*S. Augustin. Enchirid: ad Laur.*  
*cap. 65.* Sed neque de ipsis crimi-  
nibus quamlibet magnis remit-  
tendis in sancta Ecclesia, DEI de-  
speranda est misericordia, agen-  
tibus poenitentiam, secundum  
modum sui cuiusq; peccati. In  
actione autem poenitentiae, ubi  
tale crimen commissum est, ut  
is, qui commisit, à Christi etiam  
corpore separetur, non tam con-  
sideranda est mensura temporis  
quam doloris, cor enim contri-  
tum & humiliatum DEUS non  
spernit, verum quia plerumque  
dolor alterius cordis occultus est  
alteri, neque in aliorum noticiā  
per ver-



*Concilij Trid. antè Trident.*

per verba vel quæcunque alia signa procedit, cum fit coram illo, cui dicitur gemitus meus à te non est absconditus; rectè constituitur ab ijs, qui Ecclesiæ præsentunt, tempora poenitentiae ut fiat etiam satis Ecclesiæ, in qua remittuntur ipsa peccata: extra eam quippe non remittuntur.

*Articulus Decimus Quintus.*

Romanam Ecclesiam Catholicam, & omnium aliarum Matrem & Magistram esse.

Verba Concilij.

*Sanctam Catholicam & Apostolicam Romanam Ecclesiam, omnium Ecclesiarum Matrem, & Magistram agnosco.*